

224

418

8

準
貴

卷之八

古詩

初年家遷廣濟山縣時詩

昔州
家遷廣濟山縣時詩
二十一年休
...

古方
...

天門
...

志上
...

...

...



遺山先生詩集卷第十八

七言絕句

初挈家還讀書山雜詩四首

并州一別三千里
滄海橫流二十年
休道不蒙稽古力
幾家兒女得安全

天門筆勢到閒閒
相國文章玉筍班
從此晉陽方志上
繫舟山是讀書山

繫舟先大夫讀書之所閒閒公改為元子讀書山又

大參湯公叔玉
誤先人墓銘

眼中華屋記生存
舊事無人可共論
老樹婆娑三



遺山詩集
百尺青衫還見讀書孫

乞得田園自在身不誠還更入紅塵只愁六月河
堤上高柳清風睡殺人

賦瓶中雜花七首

予絕愛未開杏花故未篇自戲

老眼驚看節物新今年更與酒杯親東山一道花
如繡從此他鄉不是春

香中人道瑞香濃誰信丁香臭味同一樹百枝千
萬結更應薰染費春工

生紅點點弄嬌妍半拆花房更可憐傳語春風好

將護莫教容易作銀錢

紅抹蘭膏綠染衣綠嬌紅小兩相宜華邊剩有清
香在木石癡兒自不知

素豔來從月姊家溫風淑氣發清華人間自有交
枝玉天上休開六出花

昨日桃花錦片新兔葵今日到殘春佞枝留得稀
疎朶比似全開更惱人

古銅瓶子滿芳枝裁剪春風入小詩看看海棠如
有語杏花也到退房時

贈羅友卿三首

一般華木各榮枯
筦庫區區亦仕途
前日江東羅給事
只今城裏范萊蕪

不離城市得幽棲
未要坊名改碧鷄
種下五株桃樹子
本無心學浣花溪

閒中日月病中身
寂寞相求有幾人
莫怪門前可羅雀
詩家所得是清貧

又解嘲二首

鴈後花前日日閒
頗思尊酒慰愁顏
憑君細數東

州客誰在花花綠
綠閒

詩卷親來酒醖疎
朝吟竹隱暮南湖
袖中新句知多少
坡谷前頭敢道無

爲衍聖孔公題張公佐湘江春旱圖一首張

自書云涂水張公佐畫時年八十一先大夫嘗題公佐畫有雲靜洞庭秋寺月雨昏湘浦夜船燈之句因及之

郭熙畫筆老益壯
未比并州九十翁
想是江南春夢裏
水村曾見酒旗風

黃陵祠下雨如繩老筆題詩想舊曾今日圖間見
晴景依然愁絕夜船燈

渾源望湖川見百葉杏花二首

四月山泉凍未開東君纔爲挽春迴多情丹杏知
人意留著雙華待我來

兒時憶向西溪廟丹杏曾看百葉花今日山中見

雙朶自憐顛顚老天涯

陵川西溪二仙廟有
百葉杏兩株在殿前

代州門外南樓二首

東洛西秦往復迴幾番風雨與塵埃家山最與南

樓近三十三年恰再來

汀樹微茫岸草青滹河四月水泠泠鳳山可是生
來巧勘與南樓作臥屏

杜生絕藝

杜生絕藝兩絃彈穆護沙詞不等閒莫怪曲終雙
淚落數聲全似古陽關

以玉連環爲呂仲賢壽

玉環何意兩相連環取無窮玉取堅願得主人如
此物呂翁他日作回僊

德華小女五歲能誦予詩數首以此詩爲贈

牙牙嬌語總堪誇學念新詩似小茶好箇通家女

兄弟海棠紅點紫蘭芽

唐人以茶爲小女美稱

劉壽之買南中山水畫障上有朱文公元晦

淳熙甲辰中春所題五言得於太原酒家

蜀山青翠楚山蒼愛玩除教寶繪堂且道中州誰

具眼晦菴詩挂酒家墻

紫微劉尊師所畫山水橫披四首

劉時年八十六

溪橋獨步

納納溪橋逗晚風水村山閣往來通馬蹄踏遍黃

塵路畫裏初逢避俗翁

胸次江山老更奇太初元氣入淋漓僊翁不是人

間客俗筆休將比郭熙

江亭會飲

瓦盆濁酒憶同傾鄉社豐年有笑聲世外華胥誰

復夢且從圖畫看升平

秋江待渡

筆頭雲景性中天誰似仙舟有靜緣只合此間添

此老脫巾和月弄江煙

東山四首

半欲天陰半欲晴層巒疊巘各分明去年風雪無
多景看盡東山是此行

自笑平生被眼謾看山只向畫中看天公老筆無
今古枉著千金買范寬

錦里春光風馬牛鳥飛不到太湖秋一丘一壑都
堪老且具神山煙景休

馬水橫陳聖阜前滹沱陂堰遠相連魚多只說牛

家滙何處秋風有釣船

牛家滙在
神山下

曉起

鬢毛衰颯病凌兢暫入紅塵倦不勝學似玉山樵
客了八年流落醉騰騰

予痛飲至是八年
故用韓致光此句

追錄乙未八月十七日莘縣夢中所得

夢裏哦詩信口成分明濟水道中行夢迴真到哦
詩處滿馬西風雲月清

春歸

野杏溪桃三兩枝春歸也作送春詩東君自愛長

安好能住山城得幾時

感興四首

夢中驚見白頭新信口成篇却白神天上近來詩
價重一聯直欲換青春

後二句夢中所得

詩印高提教外禪幾人針芥得心傳并州未是風
流減五百年中一樂天

廓達靈光見太初眼中無復野狐書詩家關捩知
多少一鑰拈來便有餘

好句端如綠綺琴靜中窺見古人心陽春不比黃

華曲未要千人作賞音

從孫顯卿覓平定小山

愛殺熙春萬玉峰綱船迴首太湖空一拳秀碧煙
霞了早晚東山入袖中

發南樓度鴈門關二首

鷄聲未動發南樓澗水隨人向北流欲望讀書山
遠近鴈門關上嬾迴頭

稜嶒石磴倚高梯穹谷無人綠樹齊總爲古來征
戍苦宿雲常傍塞垣低

墨竹扇頭

嫩香新粉玉交加
小筆風流自一家
只欠雪溪王處士
醉來肝肺出枯槎

王希古乞言

支幹空虛不抹貧
素衣空染洛陽塵
一龜早晚揩床了
袖手風簾閱市人

龍門公墨竹風煙夕翠二首

渭川東望水雲寬
雨潤煙濃下筆難
今日龍門圖上看
蕭郎只合老荒寒

煙梢露葉捲秋山
揮灑縱橫意自閒
莫問筆頭龍未化
看看霖雨滿人間

從希顏覓篤耨香二首 追錄

綠洋奇品賽濃梅
永憶薰爐試淡灰
尤物也知人愛惜
簾篩風動只縈回

自倚詩情合得消
算寒新火覺無聊
懸知受用無多在
試往新詩乞斷瓢

戲贈柳花

誰擘輕綿亂眼飄
不教翠紐綴長條
只愁更作浮

萍了風捲波衝去轉遙

喬夫人墨竹二首

萬葉千梢下筆難一枝新綠儘高寒不知霧閣雲窗晚幾就扶疎月影看

只待驚雷起螫龍忽從女手散春風渭川雲水三

千頃悟在香巖一擊中

夫人參洞山禪有省

醉貓圖二首何尊師畫宣和內府物

窟邊癡坐費工夫側輓橫眠却自如料得仙師曾細看牡丹花下日斜初

飲罷鵝蘇樂有餘花陰真是小華胥但教殺鼠如

丘了四脚撩天一任渠

自題中州集後五首

鄴下曹劉氣儘豪江東諸謝韻尤高若從華實評詩品未便吳儂得錦袍

陶謝風流到百家半山老眼淨無花北人不拾江西唾未要曾郎借齒牙

萬古騷人嘔肺肝乾坤清氣得來難詩家亦有長沙帖莫作宣和閣本看

文章得失寸心知千古朱絃屬子期一作殺溪
南辛老子相從何止十年遲

平世何曾有稗官亂來史筆亦燒殘百年遺藁天
留在抱向空山掩淚看

講武城

作計千年復萬年似嫌蒸土不能堅祗今講武人
何在衰柳殘陽有亂蟬

藥山道中二首

石岸人家玉一灣樹林水鳥靜中間此中未是無

佳句只欠詩人一往還

西風砧杵日相催著破征衣整未迴白鴈已銜霜
信過青林閒送雨聲來

善應寺五首

平岡回合盡桑麻百汭清泉兩岸花更得青山作
重複武陵何處覓仙家

石潭高樹映寒藤閒有沙鷗靜有僧總愛山陽竹
林好七賢來了更誰曾

夕陽人影臥平橋倦客登臨不自聊且放游魚覓

歸宿爭教白鷺逞風標

山中魚鳥夙相親問舍求田有主人自讀舊題還

自笑七年鞍馬只紅塵

前題善應寺壁有紅塵鞍馬幾時休之句又七年矣

困不成眠百感生田家燈火夜深明無因洗耳風

沙底枉費潺潺落枕聲

摘瓜圖二首樗軒家物

四摘空留抱蔓詩阿婆真作木腸兒履霜只說琴
心苦不見房陵道上時

高鳥長憂挂網羅如菴日月坐消磨憑君莫話前

朝事比似黃臺摘更多

如菴密國公所居

黃華峪十絕句

岱崧王屋舊經過自倚胸中勝槩多獨欠太行高

絕處青天白日看山河

樹經凍雨半青黃山入高秋老更蒼且就同游盡

佳客不妨五日未重陽

紅葉黃花風露清比來春色不多爭秋山却也堪

人恨白與高歡作錦城

絕壁孤雲子細看雲間龍穴想高寒碧瀾寸寸橫

秋色空對山靈說到難唐人到難篇有碧澗之下寸寸秋色之句見文粹

玉立千峰畫不如天公自有范寬圖閭山要著黃

花老千尺珠簾得似無前輩閭山詩有向使早逢周處士子端應不號黃華

之句處上指周先生德卿

團團石甕琢青瑤仰面看雲覺動搖誰著天瓢灑

飛雨半空翻轉玉龍腰

萬古飛流瀉不供枉教噴薄困魚龍謫仙剝有銀

河句不道香爐更一峰

天漢何因有蚌胎無窮冰雹落懸崖只愁馳背模

糊錦翻倒龍宮復此來

落峽飛流散不收湍聲洶洶動高秋也應嫌被紅

塵宛才近山門便泆流

乞得三泉住不成風沙鞍馬負平生故山定已移

文了又被黃華識姓名

七賢堂

水上盤陀不見人煙中白鷺玉無塵竹林未恨風

流減負殺芙蓉米春是日有稱名酒獨酌水邊

峽口食鱖魚有感

無奈微雲疎雨何孟公詩律費研磨憑君莫愛襄陽好縮項鱸魚刺鯁多

大簡之画松風圖爲脩端卿賦二首

董元老筆鬱盤盤萬壑蒼雲復此看絕似鳳凰山下路秋風無際海波寒

新亭相泣血沾襟一日神州見陸沉好就崆峒山叟問醉眠春晝果何心

秋江待渡橫披

物外琴尊合往還爭教俗駕點溪山畫師果識閒

中趣只作橫舟落照間

贈荅要襄叔二首

長洲連日遠相迎展讀新詩眼倍明鄧下舊人多念我感君兼有故鄉情

文擬邛侯下筆難韜春一讀不知寒名家未覺風

流減洗眼青雲看阿端襄叔之先人擬下邛侯傳作竇韜春以賦火焙又其

兒子小字端平者方就學

贈脩端卿張去華韓君傑三人六首

姓字舊熟相知新三子皆我眼中人洛西荒山有

此客酒光灑灑梅花春

去華手中倒樹榭亦要筆力挽千鈞知君辦作南

山豹霧雨七日蔚成文

掃地焚香樂有餘情知怏怏米鹽書枉教棄擲泥

塗了綠髮脩郎玉不如

古來馬隊非講肆韓生頗似周生勤舉家都無擔

石粟老氣仍有嵒天雲

中庸胡公隔天壤寶臣近大木失望工師來明堂

老手李明府我知此公無棄材斥李順陽吉甫

乳虎守穴子可探斫頭不屈貧所甘異時三客俱
焰焰人倫東國吾無慙

秋江曉發圖

百轉羊腸挽不前旃車輓輓共流年画圖羨殺扁
舟好萬里清江萬里天

題山亭會飲圖二首

女几樵人塞上詞劉景玄號溪南老子坐中詩因君喚

起山亭夢好似三鄉共醉時

曾將心事許煙霞酒榼書囊便是家前日山亭亭

上客而今鞍馬老風沙

洛陽衛良臣以星圖見貺漫賦三詩爲謝

敗筆成丘死不神侯門書卷欲誰親
鰥鰥魚目漫漫夜盼到明星老却人

參旂亦自遇災年橫被狐星射
右肩牽牛只有楛機石送與天公折聘錢

西虎東龍總伏雌老墓却是可憐兒
星圖何物堪相報借用盧仝月蝕詩

題鷺鷥敗荷扇頭

荷經凍雨綠全枯葦到窮秋影亦疎
爲問風標兩公子此中能有幾多魚

西山樓爲王仲理賦二首

天日晴明四望開樓中舒嘯亦悠哉
闌干十萬人
家裏只有青山入眼來

桂笏西山老騎曹朝來爽氣與秋高
休將人物輕題品湖海元龍也未豪

樂天不能忘情圖二首

得便宜是落便宜水石癡兒自不知
就使此情忘

不得可能長在老頭皮

芙蓉脂肉紫霞漿別是仙家煖老方只枉柳枝拚
不得忘情一馬亦何妨

燕省掾屬張彥通舉釋菜之廢仁卿以詩美
之亦賦二詩

一奠區區入詠歌請看文治竟如何李侯落筆非
無意告朔羊存得已多

一日新儀見泮宮其驚綿蕝有遺風他州亦可燕
中比只枉今無百彥通

采菊圖二首

信口成篇底用才淵明此意亦悠哉枉教詩景分
留在百繞斜川覓不來

夢裏煙霞卜四隣爭教晚節傍風塵詩成應被南
山笑誰是東籬采菊人

無塵亭二首

霧廓雲開病未能波流草靡亦何曾胸中自有西
風扇身外休論有髮僧

日日門前車馬喧玉壺冰簟酒如川亭中剩有題

詩客獨欠雲間李謫仙時仁卿尚未到燕

遺山先生詩集卷第十八終

遺山先生詩集卷第十九

七言絕句

李廣道寫真二首

華髮蕭蕭玉鍊顏一篇秋水想高閒須知八表神
游客不在披裘擁絮間

擁絮披裘動數千肉身那得盡飛仙玄門此老留
教在滄海橫流未必然

錢過庭煙溪獨釣圖二首

鞍馬風沙萬里身眼明驚見楚江春綠蓑衣底玄

真子不解吟詩亦可人

小景風流二百年典刑來自米家船詩人無復承

平舊重為遺音一概然西學米元章楚山清曉故有上句

蒼崖遠渚圖二首

深谷高林自一天紅塵無路近風煙兩椽茅屋平

生了况是清溪有釣船

竹帛功名一筆無殘年那復計榮枯青山未得攜

家去惆悵題詩是畫圖

三士醉樂圖

依樣胡盧画不成三家兒女日交兵瓦盆一醉糊

塗了比似高談却較爭

鄉郡雜詩五首

余家自五代以後自汝州遷平定宋末又自平定遷于忻

故文字中以平定為鄉郡

百年喬木鬱蒼蒼耆老風流趙與楊為向榆關使

君道郡中合有二賢堂楊吏部之美臯落人開開曾守此郡

神仙官府在瀛洲何意閒閒得此畱莫笑山城小

於斗他州誰有湧雲樓樓間閒所建

一溝流水幾橋橫岸上人家種柳成來歲春風一

千樹綠煙和雨暗重城

新堂縹緲接飛樓雲錦週遭霜樹秋若道使君無
妙思冠山移得近城頭

故鄉飛鳥亦裴徊更覓何鄉養不才見說陽泉好
春色野夫乘興欲東來

宗人明道老師澹軒二首

路人澹社有來源濟水分流到澹軒莫問軒中賓
與主一家同是洛州元

澹中無地著鹹酸老口年多不受謾流外已曾增

一董不妨傳法到黃冠

題商夢卿家晦道堂圖二首

松亭竹閣數家村通德仍餘舊里門喬木未須論

巨室青衫今一作誰有讀書孫

東國人門幾百年素風纔到此公傳卷中甚欲題
詩句慚愧韋家祖德篇

商正叔隴山行役圖二首

隴坂經行十過春也隨風土變真淳吳山沂水不
必画留在秦音已可人

夢中陳迹画中詩前日行人髮已絲我亦寒亭往
來客因君還寄出關詩

息軒秋江捕魚圖三首

擲網牽罾太俗生煙波名利不多爭綠蓑衣底玄
真子可是詩翁画不成
擊瓮喧天網截河得魚何啻一罾多漁郎不作明
年計奈此織鱗細甲何
正始風流一百年竹谿衣鉢有真傳玉堂人物今
安在紙尾題詩一慨然

東平李漢卿草蟲卷二首

蟻穴蜂衙筆有靈就中秋蝶最關情知君夢到南
華境紅穗碧花風露清

過眼千金一唾輕画家元有老書生草蟲莫道空
形似正欲爾曹鳴不平
李資高亢視錢幣如糞土
貴人求画或大罵而去故

不與
世合

郭熙溪山秋晚二首

煙中草木水中山筆到天機意態閒九十仙翁自
遊戲不應辛苦作荆關

雲樹微茫石崦開吳兒洲渚不塵埃憑君寄取題
詩處杖屨適從徭谷來

七賢寒林圖

萬古騷人有賞音画家滿意與幽尋題詩記得松
前事絕似馮雷入少林

右丞文獻公著色鹿圖

野鹿標枝氣象閒老皇頻歲赦秋山不妨右相丹
青筆時到霜林紫翠間

李仲華湍流高樹圖二首

細密功夫足自神經營慘澹欲誰親却應林影湍
聲外猶欠吳山小筆春

小景風流恰入時留題紙尾竟何辭不因脫兔投

林了何處而今更有詩

癸巳正月之變逆黨中有
欲謀害已者賴仲華力爲

營護得釋故
篇末有及

益都宣撫田侯器之燕子圖詩傳本已亥秋

七月予得於馮翊宋文通家會侯之子仲

新自燕中來隨以歸之仲新謂予言兵間

故物一失無所復望乃今從吾子得之煥

若神明頓還舊觀似非偶然者方謁時賢
以嗣前作幸吾子發其端因賦三詩

紅綫還驚掌上看十年音信海漫漫渠家王謝堂
前慣暗認曹劉可是難

古錦詩囊半陸沉吳楓句好入江深世間妾婦爭

相妬禽鳥區區却賞音

首句謂怨家投
李長吉詩廁中

才氣田侯絕世奇山丘零落更堪悲休驚燕子詩
畱在化鶴歸來未可知

前高山雜詩七首

夢寐煙霞卜四隣眼明今日出紅塵山中景趣君
休問谷口泉聲已可人

山經地志總難憑鄉社畱傳太俗生前後兩高從
我收合教松海作新名

蚊聚蛙喧杳不聞已甘麋鹿與同群胸中所得知
多少半是青松半白雲

天池一雨洗氛埃全晉堂堂四望開不上朝元峰
北頂真成不到此山來

世上初無物外緣人間却有洞中天如何常伴王

居士買盡青山不用錢

白驢前日鳳山迴爲愛朝元復此來却憶廣陵劉
老子醉吟應在釣魚臺

白首同歸未省曾青山獨往竟誰能莫嫌麋鹿無
情識比似人間少愛憎

楚山清曉圖

雨潤煙濃十二峰雲間合有楚王宮遙知別後西
州夢一抹春愁淺淡中

題石裕卿郎中所居四詠

寓樂堂

此心安處是真歸念念今知故習非一首新詩一
杯酒五陵裘馬自輕肥

德恒齋

養心如虎亦良勤血戰紛華老冊勲百草千花過
春雨白衣蒼狗看浮雲

雪巖

貞松勁柏四時春霽月光風一色新置屋懸崖儘
堪老層冰千里只愁人

聾齋

弓刀陌上未知還心寄漁郎
琴簪間名作聾齋疑未盡
晤山衣鉢在遺山

贈李子範家兒子

神理藥除不偶然只疑陽報
向君偏試評掌上明珠價
幾倍諸家覓藥錢

跋文獻公張果老圖

耆舊能談相國賢功名欲占
冷巖前清風萬古猶應在未
用仙公甲子年

三鄉雜詩三首

夢寐滄洲爛熳遊西風安得
釣魚舟薄雲樓閣猶烘暑
細雨林塘已帶秋

尖新秋意晚晴中六尺筇枝
滿袖風草合斲橋通暗綠竹
搖殘照漏疎紅

溪南老子坐詩窮窮到簞瓢
更屢空五鳳樓頭無手段
碧鷄坊外有家風

釣州道中

野陰莽蒼日將夕歲律崢嶸
風有聲從昔南山歌

短褐何時北闕請長纓

榆社硤口村早發

瘦馬長途懶著鞭
客懷牢落五更天
幾時不屬鷄
聲管睡徹東窓日影偏

十月二十日雪

和氣休論歲欲豐
且看蕪穢一時空
臨高賞雪人
何限誰在瓊瑤世界中

同兒輩賦未開海棠二首

翠葉輕籠豆顆勻
臙脂濃抹蠟痕新
殷勤畱著花

梢露滴下生紅可惜春

枝間新綠一重重
小蕾深藏數點紅
愛惜芳心莫
輕吐且教桃李鬧春風

哭曹徵君子玉二首

去歲流言到處疑
聞君哭我不勝悲
今年我在君
先沒淚盡荒城君得知

遠墳三匝去無因
千里冰霜半病身
斗酒隻鷄孤
舊約素車白馬屬何人

二十六日早發安生道中雨木冰

玉樹瓊林世界寬
木冰真作雨花看
青春也被糊塗了
松柏何曾保歲寒

書貽第三女珍

珠圍翠繞三花樹
李白桃紅一捻春
看取元家第三女
他年真作魏夫人

隱秀君山水爲范庭玉賦

萬壑風煙入座寒
六銖仙帔想驂鸞
多少金閨画眉手
吳山纔得鏡中看

送子微二首

老年鞍馬不勝勞
更問狐裘與緼袍
到了龍門有何好
伊川清淺石樓高
古來何物是經綸
一片青山了此身
亂後洛陽花木盡
不妨閒作水南人

楊祕監馬圖

天閑誰省識真龍
金粟堆前草色空
忽見画圖疑是夢
東華馳道麝香驄

岳山道中

野禾成穗石田黃
山木無風雨氣涼
流水平岡儘

堪画數家村落更斜陽

雪行圖

太一仙舟雲錦重新郎走馬杏園紅騎驢虧殺吟
詩客到處相逢是雪中

寄杜莘老三首

夢裏雲山一臥屏先生画筆果通靈不妨行藥長
安市纔是前生許道寧

一片青山共白雲春林煙景入晴曛祝君老眼明
於鏡毫末清妍子細分

盃酒殷勤興不孤更教懷袖得新圖綠囊自是君
家物醫得煙霞痼疾無

巳酉四月十七日度石嶺

四海虛名值幾錢世間何限好林泉無情石嶺關
頭路行去行來又十年

劉君用可菴二首

末節繁文費討論經生規矩是專門惡惡不可惡
惡可笑殺田家老瓦盆

著脚繩橋已足憂邯鄲匍匐更堪羞惡惡不可惡

惡可大步寬行老死休惡音鳥

耀卿西山歸隱三首馬卿為耀卿張君寫真未幾被北上

靜裏簞瓢不厭空北窗元自有清風傅岩只道無人識已落君王物色中

馬卿似與物為春難狀靈臺下筆親預拂青山一片石異時真是卷中人

冠劍靈臺大縣侯富春漁釣一羊裘山林鍾鼎無心了誰是人間第一流

雪岸鳴鶴

離離殘雪點荒叢更著幽禽慘淡中笑殺画簾雙燕子秋千紅索海棠風

東丹騎射

意氣曾看小字詩画圖今又識雄姿血毛不見南山虎想得弦聲裂石時

虛名

虛名不值一錢輕喚得嗷嗷百謗生可惜客兒頭上髮也隨春草闌輸羸

投書圖二首

一束空書不療飢浮沉隨水恰相宜醬蒙藥楮輕
拋却却是洪喬見事遲

屈作書郵未肯心百函隨水聽浮沉虛名底用寒
溫問却是洪喬最賞音

題劉威卿小字難素冊後二首

伎道精微得處難書林頭白一儒冠陰功厚薄君
休問只就蠅頭細字看
齒牙餘論足輝光東國人倫趙與楊曾是兩翁門
下客殘年袖手亦無妨

麗都運山水

門闥喜色到崔盧文賦聲名逼兩都重爲溪山感
疇昔風流還有此翁無

歸義僧山水卷

崧少經行二十春野麋山鹿盡情親而今身落京
塵底画出林泉亦可人

武善夫桃溪圖二章

物外煙霞卜四隣武陵不是避秦人軟紅香土君
休羨千樹桃花滿意春

金罽毳毳六月寒桃花春夢隔征鞍青山歸計何時辦
画卷空留馬上看

巢雲曙雪圖武元直筆明昌名士題詠

風流人物見承平半向巢雲有姓名
画手休輕武元直胸中誰比玉崢嶸

書扇贈李湛然

江楓搖落海門秋江水無風月半樓
未要吳儂誇勝槩已從詩境得天游

普照范鍊師寫真三首

嚮日神仙看地行只今煙駕想雲程
石梁画出西流寺無復鏗然曳杖聲

傾蓋論交了歲寒眼中人物似君難
流波意在誰真識未絕朱絃已廢彈

鶴骨松姿又一奇化身千億更無疑
人間只說乘風了靚面相呈却是誰

祖唐臣所藏樛軒画册二首

綠盡紅香夢已空草黃沙白思何窮
波間野鴨渾無賴長著詩人慘淡中

敗荷野鴨

牧笛無聲画意工水村煙景綠楊風題詩憶得樗

軒老更覺升平是夢中

風柳
牧牛

客意

雪屋鐙青客枕孤眼中了了見歸途山間兒女應
相望十月初旬得到無

走筆題十老會請疏

痛飲形骸百不成天教鄉社送餘生病夫延日添
新喜十老圖中有姓名

七夕

天街奕奕素光移雲錦機閒漏箭遲誰與乘槎問
銀漢可無風浪借佳期

避兵陽曲北山之羊谷題石龕

冥鴻正恐絳疑網脫兔不忘投茂林世故驅人真
有力天公困我本無心

壬子寒食

兒女青紅笑語譁秋千環索響嘔啞今年好箇明
寒食五樹來禽恰放花

馬雲卿画紙衣道者像

太古清風匝地來，紙衣長往亦悠哉。
鐵牛力負黃河岸，生被曹山挽鼻迴。

過威卿鎬厲王故居

天道循環只眼前，果誰烈焰與寒煙。
種瓜四摘渾閒事，抱蔓無人更可憐。

真味齋

麤飯寒齏老此身，高人那計甌生塵。
味無味處君知否，道著琴書已失真。

歸義興侍者溪山蕭寺橫軸

石磴雲松百八盤，東峰日上海波寒。
老來丘壑風流減，却就禪房覓画看。

雲漢此画甚有泰山典刑，因託東峰看日出時故有。

上句

喬夫人彩繡仙人圖

彩服仙童画不如，直疑萊子戲庭除。
青紅未是春風巧，一頌椒花更有餘。

出山像

不見恒星莫漫驚，日頭從此向西生。
只知大事因緣了，依舊雲門望太平。

胡壽之待月軒三首

一幅清風竹寫生月華霜白紙如冰天公老筆無
今古枉却坡詩說右丞

愛竹髯參發巧新能教一影具形神千門萬戶清
光裏袖手東窗有幾人

形似何曾有定名每從遊戲得天成墨君解語應
須道猶欠風琴一再行

遺山先生詩集卷第十九 終

遺山先生詩集卷第二十

七言絕句

論詩三首

坎井鳴蛙自一天江山放眼更超然情知春草池
塘句不到柴煙糞火邊

詩腸搜苦白頭生故紙塵昏枉乞靈不信驪珠不
難得試看金翅擘滄溟

暈碧裁紅點綴勻一回拈出一回新鴛鴦繡了從
教看莫把金針度與人

超禪師晦寂菴

無波古井靜中天三尺藜床坐欲穿一語憑君君
莫笑妙高峰頂更超然

自題寫真

東塗西抹竊時名一線微官悞半生不画幼輿岩
穴裏野麋山鹿欲何成

贈寫真田生三章

人物翩翩美少年書生穎悟亦天然燕南只道丹
青好棄擲泥塗自可憐

萬態千形画裏看人人眉目與衣冠情知不是裴
中令一片靈臺狀亦難

市井公卿萬一作不同依然見解一兒童張顛草

聖雄千古却在孫娘劍器中

贈高君用君益從弟

杏苑仙郎合探花虛傳佳句滿京華丁寧王謝堂
前燕文采風流有故家

周才卿拙菴

詩筆看君有悟門春風過水畧無痕菴名未便遮

藏得拙裏元來大巧存

郭大方自適軒

自適還曾自適無半生枯寂坐禪居馬卿若也知
人意只画梁家舉案圖

風柳鳴蟬

輕明雙翼曉風前一曲哀箏續斷絃移向別枝誰
画得只畱殘響客愁邊

晴景圖

白日青天下筆難要從明潤細尋看藏山只道雲

煙好画史而今画熟謾

僧寺阻雨

山氣森岑入葛衣砧聲偏與客心期僧窗連夜蕭
蕭雨又較歸程幾日遲

金山

在忻口南

攢青疊翠幾何般玉鏡修眉十二環常著一峰煙
雨裏苦才多思是金山

王子文琴齋

天上秋風月底霜求凰一曲髮絲長相如四壁消

何物直要文君典鵬鵠

單彥清飛雨亭橫披

百道懸流注夜光
画中亭榭亦清涼
何人與問長安客
赤日黃塵有底忙

讀漢書

室方隆棟非難構
水到頽波豈易迴
豐沛帝鄉多將相
莫從興運論人才

內相楊文獻公哀挽三章效白少傅體

征南諫疏無多語
大度高皇有至仁
雷得青囊一

丸藥異時猶可活斯民

中臺啟事山吏部
東閣詞臣何水曹
松柏蕭蕭一丘土
龍門依舊泰山高

姓名三字金甌重
事業千年片簡青
試向雲間望光彩
看從何地現文星

石勒問道圖

輕比韓彭作李楊
高僧久已笑君狂
中原果有劉文叔
肯說鈴聲替戾岡

花光梅

草聖前頭一樹春豪華落盡只天真寫生今向君
家見疑是花光有兩身

舊與趙景溫

浮雲流水易西東回首梁園似夢中一別十年今
又別酒尊能得幾迴同

夏山風雨

慘淡經營有許功吳僧誰得嗣宗風情知一雨收
晴了更沒塵沙到坐中

春雲淡冶

一抹平林素練橫數堆寒碧白煙生春雲可是多
姿態五字韋郎画不成

雪谷早行圖二首

卷中多國朝
名勝題詠

雪擁雲橫下筆難爭教萬景入荒寒詩翁自有無
聲句画裏憑君細覓看

画到天機古亦難遺山詩境更高寒貞元朝士今
誰在莫厭明窗百過看

胡叟楚山清曉

剪得吳松一片秋江山小筆也風流卷中未有題

詩客畱待才情趙倚樓

辛亥九月末見菊花

黃菊霜華日日添也應有意醉陶潛
鬢毛不屬秋風管更揀繁枝插帽簷

荅俊書記學詩

詩爲禪客添花錦禪是詩家切玉刀
心地待渠明白了百篇吾不惜眉毛

夜宿山中

月華人影共徘徊未算歸程夢已迴
澗水悲鳴易

愁絕長松休送雨聲來

臺山雜詠十六首

甲寅六月

登臨夙有故鄉緣試手清涼第一篇
知被錢郎笑寒乞不將錦繡裹山川

西北天低五頂高茫茫松海露靈鼇
太行直上猶千里井底殘山枉叫號

萬壑千巖位置雄偶從天巧見神功
湍溪已作風雷怒更在雲山氣象中

顛風作力掃陰霾白日青天四望開
好箇臺山真

面目爭教坡老不曾來

山雲吞吐翠微中淡綠深青一萬重此景祇應天
上有豈知身在妙高峰

山上離宮魏故基黃金佛閣到今疑異時人讀清
涼傳應記諸孫賦黍離

一國春風帝子家綠雲晴雪間紅霞香綿穩藉僧
溪草蜀錦驚看佛鉢花

沉沉龍穴貯雲煙百草千花雨露偏佛土休將人
境比誰家隨步得金蓮

兜羅綿界寶光雲雲際同瞻化現身解脫文殊俱
有說是中知有木強人

真向華嚴見化城翻嫌金屑翳雙明惡惡不可惡
惡可未要雲門望太平

總爲毗耶口不開龍宮華藏頓塵埃對談石在維
摩在珍重曼殊更一來

咄嗟檀施滿金田遠客游臺動數千大地嗷嗷困
炎暑山中多少地行仙

石罅飛泉冰齒牙一盃龍焙雪生花車塵馬足長

橋水汲得中冷未要誇

凜凜長松臥澗阿提壺悲嘯撫寒柯萬牛不道丘

山重細路沿雲奈爾何

熱惱消除佛作綠山頭冰雪過尖天法王悲智無

窮盡更看清涼遍大千

靈蛇不與世相關時復蜿蜒水石間何處天瓢行

霖雨一龕香火梵仙山

跨牛圖

才子唐人冠服作哦詩狀牛後帶琴書

画出升平古意同江村渺渺綠楊風看來總是哦

詩客遠勝騎驢著雪中

隨駕張珪佩是摹古人本

贈湛澄之四章

眼花看碧漸成朱元元陶陶樂有餘柳岸醉僧堪

一笑強教分別竟何如

兒女團欒龐行婆漉籬活計苦無多布囊歸去詩

千首猶欠庭珪墨一螺

十年不見山堂老賴有澄之在眼中總道木菴枯

淡好東風花柳各青紅

散聖風流有別傳漆瞳一點出人天石門故事君

知否好佐涪翁學刺船

乙卯二月二十一日歸自汴梁二十五日夜
久旱而雨偶記內鄉一詩追錄於此今三
十年矣

桑條沾潤麥溝清
軋軋耕車鬧曉晴
老眼不隨花柳轉
一犁春事最關情

三門集津圖

南北爭教限大江
吳家纔了又陳亾
画工只說三門險
不記茅津一葦航

乙卯端四日感懷

衰年那與世相關
苦被詩魔不放閒
好箇舊家長樂老
無才無德只癡頑

山村風雨扇頭

總爲詩翁發興新
直教画筆亦通神
莫嫌風雨無多景
截斷黃塵亦可人

跋蕭帥鷺鷥敗荷扇頭

徐榮之画

蕭蕭煙景帶霜華
公子風標浪自誇
可道浣花詩境好
鳩鵲鷓鴣滿晴沙

袁顯之扇頭

雙鷺聯拳只辦愁
枯荷折葦更窮秋
風流綠影紅香底
好箇鴛鴦百自繇

贈司天王子正二首

慣見河邊織女機
枯槎八月未成歸
棲遲零落今如此
枉却星翁比少微
天容海色本澄清
萬古東方有啟明
七十七年強健在
不妨林下看升平

工部趙侍郎下世日作

鶴骨翛然臥石床
情知合眼卽仙鄉
安時處順吾儒事
枉却南華說坐忘

跋耶律浩然山水卷

六月三泉松桂寒
西風早晚送歸鞍
無因料理黃塵了
只得青山紙上看

貞燕二首

杏梁雙宿復雙飛
海國爭教隻影歸
想得秋風逼涼冷
謝家兒女亦依依

污潔難將一類推
舊家紅綫可無疑
豚魚自是詩

家語輕擬庭圍恐未宜

楊祕監雪谷早行圖

息軒画筆老龍眠雪谷冰橋自一天六月高樓汗
如雨豈知方外有詩仙

杜莘老夏日汾亭橫軸

杜侯老筆堯民意黃閣清風有故家庸俗紛紛小
兒女枉教塵土浣煙霞

武元直秋江罷釣

算山明月曉溪雲今古仙凡此地分醉後狂歌問

漁叟殘年何計得隨君

張彥遠江行八詠圖

奉試時
所見

楚江平浸楚山流放眼江山得意秋一寸霜毫九
雲夢合教轟醉岳陽樓

題馮漕緩之碩人在澗橫軸

胡先
生画

見說雲霄意氣豪幾迴攬鏡惜顛毛不爭画得林
泉好轉使山人索價高

題邢公達寒梅凍雀圖

褐衣相媚不勝情只許乾暉画得成却被詩人笑

寒乞一枝風雪可憐生

秀隱君山水

烏鞵踏破軟紅塵未信溪山下筆親圖上風煙看
瀟洒画家亦有魏夫人

同梅溪賦秋日海棠二章

錦水休驚散綵霞換根元自有靈砂瓊枝不逐秋
風老自是人間日易斜

翠袖紅粧又一新秋風秋露發清真丹青寫入梅
溪筆桃李從今不算春

梁氏先人手書

玄蚪飛跳九天門秦火驚看片紙存蒼舊風流知
未減青衫還見讀書孫

薊北杜國寶以真定教官李進之所撰大父
中憲公及其先人帥府從事行狀見示用

題三絕其後

總道清流解致君白袍唐日已紛紛科名屈殺漁
陽老章甫何人不惠文

兒戲將軍百不知枉將壁壘付安危論功纔得鹽

山令堂上奇兵果是誰

堂掾談經見蚤成諸郎難弟復難兄長畱北海文章在千古雲麾有姓名

贈訾子野高士三章

仙翁高弟獨君優胸次清明辨九流我是愚溪一愚叟不妨同醉訾家洲

月旦今誰許與陳乍賢乍佞日紛紜鳶肩燕領非吾事一片靈臺欲付君

虛名玉表或礮中薄命何堪與共功東國人倫要真識好將傳與黑頭公

戲相師

珥貂簪筆起鋤犁何必人人貫伏犀胸次九流君自了看來唯少醉如泥

畱贈丹陽王鍊師三章

信得人間比夢間一卮芳酒且開顏當時笑伴今誰在詩客淒涼飯顚山

爛醉玄都有舊期百年人事不勝悲桃花一簇開無主畱著東風與兔葵

敝盡貂裘白髮新京華
旅食記前身仙翁相見休
相笑同是邯鄲枕上人

元夕

花影燈光一萬重
青衫駿馬踏東風
彰陽舊事無人記
二十三年似夢中

酴醿

枕幃餘韻最清真
夢裏猶來著莫人
擬借濃陰作羅幕
玉纓多處臥殘春

爲橄子釀金二首

明珠評價敵連城
棄擲泥塗意未平
十萬人家管絃裏
獨憐金石隱商聲
秋來聞說酒盃疎
却爲窮愁解著書
知是遺山亭上客
無衣無褐欲何如

李子範生子

六峰靈氣未消沉
雛鳳翩翩翠作衿
名姓定知書小錄
作詩先與喚瓊林

柏鄉光武廟

老樹剗心不更春
當年曾見漢儀新
憑君莫話春

陵事笑殺中原逐鹿人

和德新丈

二年老眼暗兵塵今日逢君喜事新
結伴還鄉有成約不應先作北歸人

春日寓興

雨過橫塘水滿堤亂山高下路東西
一番桃李花開盡惟有青青草色齊

滄浪圖

萬頃煙波入夢頻眼中魚鳥覺情親
而今塵滿西

風扇愧爾青山獨往人

倦繡圖

香玉春來困不勝啼鶯喚夢幾時應
可憐憔悴田家女促織聲中對曉燈

雪谷曉行圖

漫漫長路幾時休風雪無情夢亦愁
羨殺田家老翁媪瓦盆濁酒火爐頭

浩然雪行圖

曲江花柳自升平雪礪冰橋去國情
枉却卷中畱

好語画師寒乞可憐生

岳邦獻壽

見君誰不愛清醇壽席今年樂事新八十老翁持
酒勸酣歌一曲太平春

風柳啼牛圖

為張伯英賦

陂塘渺渺綠楊風牛背升平萬古同忽見画圖還
自笑枉將書策課兒童

子和麋鹿圖

白髮刁騷一秃翁塵埃無處避西風野麋山鹿平

生伴惆悵相看是画中

賈氏怡齋二首

兒女青紅薦壽觴階庭蘭玉立諸郎黃金甲第知
何限誰有怡齋致樂堂

一門難弟復難兄籍甚州閭月旦評見說病中王

處士感君兼有急難情

王敦夫寒病勞復歷兩月之久委頓殊甚仲德躬自

調護迄於平善州里稱焉故上句及之

與西僧倫伯達二首

行

踏雲孤鶴萬緣輕遙見鄉關眼便明不似遺山元

老子塵埃風雨過平生

半世秦川在夢中幾時蓮社與君同淵明白比吾
何敢或有新詩及遠公



裕之嘗選金人詩十卷名中物集酷似晚唐且說我
子勇之陋七歲能詩鄉里稱神童弱幼似箕山
琴堂諸篇重文筆見而異之名者南國晚年尤以
若心自任以寸紙細字記金源一代故事今金史多出其
手筆也先嘗評其詩之奇崛而絕雕剗巧得而涉倚
焉但樂府不用古歌未免少遜跌崖耳海雲毛晉漫



元道山先生詩集補遺

七言律詩

歸香堂

道山先生詩集補遺
七言律詩
歸香堂
元道山先生詩集補遺
七言律詩
歸香堂

東印花境東海雜舉海鏡例秋菊衣泉尚可分枝
精本補人

